



Prishtinë, 05 qershor 2019
Kodi i ZRRE-së: V_1140_2019

Bordi i Zyrës së Rregullatorit për Energji,

Duke marrë parasysh:

- Dispozitat e Nenit 9 paragrafi 1, nënparagrafi 1.7, Neni 15, Nenin 26, Neni 28 paragrafi 2, nënparagrafi 2.1, Nenin 30, Nenin 32 paragrafin 2 nënparagrafi 2.1, Nenin 34 dhe Nenin 38 të Ligjit për Rregullatorin e Energjisë (Ligji Nr. 05/L-084);
- Dispozitat e Nenit 6 të Ligjit për Energjinë Elektrike (Ligji Nr. 05/L-085)
- Dispozitat e Rregullës për Licencimin e Aktiviteteve të Energjisë në Kosovë (Rregulla Nr.07/2017),
- Aplikacionin për Licencim të Aktivitetit të Prodhimit të Energjisë Elektrike të dorëzuar në Rregullator me datë 20.12.2018 nga ndërmarrja "Hidroenergji" SH.P.K, adresa Dëshmorët e Kombit, p.n. Ferizaj, (lokacionit i hidrocentralit: Sllatinë, komuna e Kaçanikut), Republika e Kosovës.

në seancën e mbajtur me datë 05 qershor 2019, nxori këtë:

VENDIM

- I. LËSHOHET Licencë E PËRKOSSHME** për prodhim të energjisë elektrike nga burimet e ripërtërishme të energjisë nga Hidrocentrali "Lepenci 3" me kapacitet **9.98 MW**, ndërmarrjes "Hidroenergji" SH.P.K, me numër licence ZRRE/Li_63/18, për periudhën nga data **05.06.2019** deri me **04.06.2020**
- II. Obligohet** ndërmarrja "Hidroenergji" SH.P.K. që brenda afatit të dhënë në pikën I të dispozitivit të këtij Vendimi, të sjellë në Rregullator Lejen Mjedisore të Integruar për gjeneratorin në fjalë, të lëshuar nga Ministria e Mjedisit dhe Planifikimit Hapësinor, në të kundërtën Rregullatori do të veproj në pajtim me Nenin 37 të Ligjin për Rregullatorin e Energjisë dhe legjisllacionin tjetër në fuqi.
- III.** Afati i Licencës i dhënë në pikën I të dispozitivit të këtij Vendimi, do rishikohet dhe ndryshohet pas sigurimit të Lejes Mjedisore të Integruar të lëshuar nga Ministria e Mjedisit dhe Planifikimit Hapësinor.
- IV. Obligohet** ndërmarrja të sjell në Rregullator çdo dokument të lëshuar nga institucione të ndryshme për "Hidroenergji" SH.P.K, të cilët mund të kenë ndikim në validitetin dhe periudhën e vlefshmërisë së licencës së lëshuar, si dhe çdo dokument i cili mund të ndryshoj nga ai i sjellë gjatë aplikimit për marrje të licencës, përfshirë Marrëveshjen për Blerje të Energjisë Elektrike (MBA) të lidhur me ndërmarrjes "Hidroenergji" SH.P.K dhe Operatori i Sistemit të Transmisionit dhe Tregut (KOSTT) SH.A.



Arsyetim

- Zyra e Rregullatorit për Energji (Rregullatori) me datë 20.12.2018 ka pranuar Aplikacionin me dëshmitë përkatëse për Licencim të aktivitetit të Prodhimit të energjisë elektrike në Kosovë nga Ndërmarrja "Hidroenergjia" SH.P.K., për hidrocentralin (HC) "Lepenci 3", me kapacitet të instaluar prej 9,98 MW, me lokacion të këtij Hidrocentrali në Sllatinë, Komuna e Kaçanikut.
- Për licencim të aktivitetit të prodhimit të energjisë elektrike, përveç tjerash kërkohet edhe Leja Mjedisore e Integruar. "Hidroenergjia" SH.P.K. në pamundësi të nxjerrjes së Lejes Mjedisore të Integruar nga Ministria e Mjedisit dhe Planifikimit Hapësinor (MMPH), ka dorëzuar në Rregullator Kërkesën e dorëzuar në MMPH me datë 11.04.2019 për t'u pajisur me Leje Mjedisore të Integruar, për të cilën kërkesë ende nuk kanë marrë përgjigje nga MMPH.
- Rregullatori, duke u bazuar në Nenin 5 paragrafin 6 të Rregullës për Licencimin e Aktiviteteve të Energjisë në Kosovë, i lëshon licencë të përkohshme ndërmarrjes në fjalë, për periudhën e paraparë si në dispozitiv të këtij Vendimi, me kusht që ndërmarrja të sjell në Rregullator Lejen Mjedisore të Integruar, brenda dymbëdhjetë (12) muajsh nga data e lëshimit të kësaj licence.
- Nëse i Licencuari brenda afatit të përcaktuar me pikën I të dispozitivit të këtij Vendimi e sjell në Rregullator Lejen Mjedisore të Integruar atëherë Rregullatori do të rishqyrtoj afatin e vlefshmërisë së kësaj licence për prodhim të energjisë elektrike dhe do të vendosë në pajtim me Nenin 32 paragrafi 2.1 i Ligjit për Rregullatorin e Energjisë.
- Sipas Nenit 8.1 të Rregullës për licencimin e aktiviteteve të Energjisë në Kosovë, ndërmarrjet që aplikojnë për Licencim në Rregullator duhet të njoftojnë përmes gazetës palët e interesit se kanë dorëzuar një aplikacion në Rregullator për Licencë të prodhimit të energjisë elektrike dhe se ai aplikacion është në fazën finale për marrje të licencës. Palët e interesit kanë të drejtë të kundërshtojnë aplikacionin, nëse dëshmojnë ndonjë parregullsi të tij.
- Ndërmarrja "Hidroenergjia" SH.P.K., me 26.10.2018 ka publikuar njoftimin në gazetë, në pajtim me paragrafin e sipërpërmendur. Palët e interesit nuk kanë kundërshtuar këtë aplikacion.
- Rregullatori ka vlerësuar se ndërmarrja në fjalë ka vepruar sipas udhëzimeve të Rregullatorit, kërkesave të parapara në Aplikacionin për Licencim të aktivitetit të prodhimit të energjisë elektrike dhe legjislacionit në fuqi, kështu që pas vlerësimit të aplikacionit dhe dëshmimeve tjera të bashkangjitura aplikacionit të ndërmarrjes "Hidroenergjia" SH.P.K, dhe duke u mbështetur në dispozitat ligjore të cekura në hyrje të këtij vendimi, ka vendosur si në dispozitiv të këtij Vendimi.

V. Vendimi nxirret në gjuhët zyrtare në Republikën e Kosovës.

VI. Vendimi hyn në fuqi në datën e miratimit nga Bordi i Rregullatorit dhe do të publikohet në faqen elektronike zyrtare të Rregullatorit.




Këshillë juridike: Pala e pakënaqur me këtë Vendim mund të inicioj konflikt administrativ në Gjykatën Kompetente, brenda tridhjetë (30) ditëve nga data e pranimi të Vendimit ose data e publikimit të tij në faqen elektronike të Rregullatorit, cilado që ndodh e fundit.

Vendimi i dërgohet:

- Ndërmarrjes "Hidroenergji" SH.P.K, dhe
- Arkivit të Zyrës së Rregullatorit për Energji

Bordi i Rregullatorit:


Arsim Janova, u.d. Kryesues


Besim Sejfiqaj, anëtar


Selman Hoti, anëtar


Izet Rushiti, anëtar